



Datë: 08.01.2026
Numër Protokolli: 68/2026

A.nr.1846/2025

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave, në përbërje nga: Malsore Gashi-Bajraktari, kryetare, Eshref Shabani dhe Ardita Haxhnikaj-Demi, anëtarë, me Hava Fekaj Zyrtare e Lartë për Inspektim Administrativ - në cilësinë e procesmbajtëses, në procedurë sipas ankesës A.nr.1846/2025, të datës 28.10.2025, të parashtruar nga ankuesi, D.A, kundër organit të punësimit: Ministria e Punëve të Brendshme, në çështjen juridike “*Kontestim konkursi*”, në pajtim me nenin 6, paragrafin 1, nën paragrafin 1.1, nenin 16, paragrafi 3, nenin 18, paragrafi 1, nën paragrafi 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, i ndryshuar dhe plotësuar me Ligjin Nr.08/L-180 për Këshillin e Pavarur Mbikëqyrës për Shërbimin Civil të Kosovës dhe në mbështetje të Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 08.01.2026, mori këtë:

V E N D I M

Hedhet poshtë si e parakohshme ankesa me numër A.nr.1846/2025, të datës 28.10.2025, të parashtruar nga ankuesi, D.A.

A r s y e t i m

Kandidati për pranim në shërbim civil, D.A (në tekstin e mëtejme referuar: Ankuesi), me datë 28.10.2025, ka parashtruar ankesë me numër protokolli 7025/2025, të regjistruar nën shenjë A.nr.1846/2025, në Këshillin e Pavarur Mbikëqyrës për Shërbimin Civil të Kosovës, kundër Njoftimit të datës 27.10.2025, me të cilin është njoftuar se nuk kalon në fazën e dytë të rekrutimit me arsyetimin se në diplomën e bashkangjitur nuk shihen të dhënat, lidhur me procedurën e rekrutimit sipas konkursit me numër reference RN00018595, për pozitën e punës: “*Asistent i shpërndarjes së dokumenteve personale*”, Ministrinë e Punëve të Brendshme.

Kolegji për Shqyrtimin dhe Vendosjen e Ankesave (në tekstin e mëtejme referuar: Kolegji i Këshillit) nga shqyrtimi dhe analizimi i shkresave të bashkangjitura të lëndës të dërguara nga palët në procedurë, ka gjetur se ankesa **është e parakohshme**, sepse:

Nga administrimi i shkresave të lëndës rrjedhë se, Divizioni për Burime Njerëzore në Ministrinë e Punëve të Brendshme, me datë 12.09.2025, ka publikuar Njoftimin për shpalljen e Konkursit me numër reference RN00018595, për pozitën e punës “*Asistent i shpërndarjes së dokumenteve personale*”, në Ministrinë e Punëve të Brendshme, me afat aplikimi nga data 13.09.2025, deri më datë 12.10.2025.

Rrjedhimisht, sipas shkresave të lëndës rrjedhë se ankuesi nuk e ka kaluar Fazën e dytë të procedurës së rekrutimit, për shkak se sipas NJMBNJ në Ministrinë e Punëve të Brendshme ankuesi e ka bashkangjitur vetëm faqen e parë të diplomës së shkollës së mesme dhe kështu nuk figurohen të dhënat personale të tij për këtë arsye dokumenti i dorëzuar nuk është konsideruar i plotë dhe për këtë arsye kandidati nuk është përfshirë në listën e ngushtë.

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, pretendon se e ka dorëzuar dokumentacionin e plotë që vërtetojnë se të gjitha të dhënat shihen qartë dhe janë të lexueshme. Ankuesi pretendon se vlerësimi i bërë nga Divizioni për Burime Njerëzore nuk është i drejtë dhe është në kundërshtim me parimet e transparencës dhe barazisë në punësim, të garantuara më Ligjin Nr.06/L-114 për Zyrtarët Publikë, si dhe me Rregulloren (QRK)Nr.15/2023 për procedurën e Pranimi në Shërbimin Civil. Andaj kërkon nga Këshilli i Pavarur Mbikëqyrës i Shërbimit Civil të Kosovës që ankesa të aprohet.

Kolegji i Këshillit lidhur me pranueshmerinë e ankesës ju referua dispozitave të Ligjit Nr.08/L-197 për Zyrtarët Publikë, gjegjësisht nenit 39 paragrafi 12 ku përcaktohet se: *12. Kandidatët/ët e pakënaqur me procesin e rekrutimit, pas shpalljes së rezultateve përfundimtare kanë të drejtë ankese në KPMSHCK sipas afatit të përcaktuar në ligjin përkatës për procedurën administrative, si dhe nenit 17 të Rregullores Nr. 15/2023 për Procedurën e Pranimi në Shërbimin Civil, ku përcaktohet se: 17. Kandidatët e pakënaqur me procesin e rekrutimit, pas shpalljes së rezultateve përfundimtare kanë të drejtë ankese në KPMSHCK në afat prej tridhjetë (30) ditëve.*

Referuar kuadrit ligjor përkatës si dhe duke u bazuar në provat e administruara të lëndës, Kolegji i Këshillit konstatoi se ankesa e parashtruar nga ankuesi me datë 28.10.2025, kundër Njoftimit të datës 27.10.2025, me të cilin i është refuzuar aplikacioni, lidhur me procedurën e rekrutimit sipas konkursit me numër reference RN00018595, për pozitën e punës “*Asistent i shpërndarjes së dokumenteve personale*”, në Ministrinë e Punëve të Brendshme, është e parakohshme, ngase sipas dispozitave përkatëse ligjore, kandidati për pranim në shërbim civil ka të drejtë të parashtroj ankesë vetëm pas përfundimit të procedurës së rekrutimit, ndërsa, në rastin konkret ankuesi ka parashtruar ankesë ende pa përfunduar procedura e rekrutimit me numër reference RN00018595, e shpallur me datë 12.09.2025 për pozitën “*Asistent i Shpërndarjes së dokumenteve personale*”, në Ministrinë e Punëve të Brendshme.

Andaj, theksuar si më sipër, Kolegji i Këshillit konstaton se ankesa e parashtruar nga ankuesi me datë 28.10.2025 në Këshillin e Pavarur Mbikëqyrës për Shërbimin Civil të Kosovës, pa u publikuar ende rezultatet përfundimtare lidhur me procedurën përkatëse të rekrutimit është e parakohshme në kuptim të dispozitave të nenit 39 paragrafi 12 të Ligjit Nr.08/L-197 për Zyrtarët Publik, ndërlidhur me nenin 127 paragrafi 1 të Ligjit Nr.05/L-031 për Procedurën e Përgjithshme Administrative, dhe se në kuptim të nenit 129 paragrafi 1 nën paragrafi 1.4 të Ligjit Nr.05/L-031 për Procedurën e Përgjithshme

Administrative, e njëjta është e papranueshme, kështu që, Kolegji i Këshillit duke u bazuar në nenin 18 paragrafi 1 nën paragrafi 1.7 të Ligjit Nr.06/L-048 për Këshillin e Pavarur Mbiqësorës për Shërbimin Civil të Kosovës, vendosi të hedhë poshtë si të parakohshme ankesën A.nr.1846/2025, të datës 28.10.2025, siç përcaktohet në dispozitiv të këtij vendimi.

Referuar pretendimit ankimor për qasje në testin me shkrim dhe ese, Kolegji rikujton palën e ankuese që e njëjta në pajtim me Ligjin e aplikueshëm për qasje në dokumentet zyrtarë mund të parashtroj kërkesës pranë organit gjegjes.

Këshillë juridike: Ky vendim hyn në fuqi ditën e nënshkrimit nga Kryetari i Kolegjit. Pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIQËSYRËS PËR SHËRBIMIN CIVIL TË KOSOVËS
Lënda A.nr.1846/2025

Hava FEKAJ

Procesmbajtëse

Malsore GASHI-BAJRAKTARI

Kryetare e Kolegjit

Vendimi i dërgohet:

- Ankuesit, D.A;
- Udhëheqësit të Njesisë së Burimeve Njerëzore në Ministrinë e Punëve të Brendshme; dhe
- Arkivit të KPMSHCK-së.